

Sr HUBERT BOOI



Aki na Aruba tambe Sr. Booi a conoce un arubiano cu a cambia su mundo completo y su decision di bira pastoor.

Sr. Booi y su defunto señora a forma un famia y a disfruta di 43 aña casa hunto cu nan 6 yiunan di cual un yiu a fayece aña pasa.

Sr. Hubert Booi un persona cu masha hopi talento mes y nunca bo ta di haye den mal bij, semper cu un bon humor. Nos tur na Aruba conoce sr. Booi como un artista multi fasetico, un artista cu ta stima Aruba pasobra su curazon ta di Aruba. Sr. Hubert Booi ta un hende cu di chiquito a lanta den famianan talentoso a siña di nan y a hiba cune semper e talento di su famia den sanger. Sr. Booi un homber cu hopi talento a haya e oportunidad como un yiu di Boneiro pa biba y stima Aruba mescos cu su baranca chiquito. Aki na Aruba tambe Sr. Booi a conoce un arubiano cu a cambia su mundo completo y su decision di bira pastoor.

Sr. Booi y su defunto señora a forma un famia y a disfruta di 43 aña casa hunto cu nan 6 yiunan di cual un yiu a fayece aña pasa.

CULTURA TA MAS CU CONSERVA LOKE CU NOS TIN CABA

NACINA BONEIRO

Boneiro ta e cuna di sr. Booi caminda cu su infancia ta sembra y recuerdonan bunita cosecha. Mustrandó respet y aprecio pa su tera stima el a skirbí e himno di Boneiro.

Sr. Hubert Booi a nace na Boneiro dia 25 di Juli aña 1919 y henter famia di sr. Booi ta di Boneiro. Sr. Booi a bay school na Boneiro te cu su di 8 klas y despues el a drenta seminario pa e prepara pa bira pastoor. Eynan Sr. Booi a siña Latin cu tur otro estudio mas cu ta encera estudio cu un pastoor mester tin.

Despues di tempo sr. Booi a cambia di idea y no a termina su estudio pa bira pastor y a dicidi pa bin Aruba.

Mayornan di Booi no tabata mucho di acuerdo pa laga nan unico yiu bay biba na Aruba pero asina mes Sr. Booi a dicidi di bin Aruba cu un Frater y aki ta unda cu e frater a busca un trabao pa Booi den Lago.

Cu man habri el a acepta e trabao aki cu hopi ilusion pasobra tabata net loke cu e tabata tin mester.

FUNCIONNAN CU EL A OCUPA

Manera cu Sr. Booi a yega Aruba sr. Booi a topa cu un bon amigo di su tata cu tabata sr. Bartel kende a ofrece un mihor trabao den Hollandse Bank. E oferta Sr. Booi no a nenga y a drenta banco e mesun siman caminda cu el a haya diferente curso pasobra e boekhouding cu el a haya na Boneiro no tabata suficiente.

Despues di tempo Booi a haya un mihor puesto mirando su enpeño y su esfuerzo pa siña tur loke cu tin di haber cu contabilidad.

Banda di e trabao diario den banco di contabilidad, Sr. Booi tabata hinca den tur actividad cultural manera skirbi canticanan na papiamento, tabata sirbi poesia y tabata toca algun instrumen-



to. Ora cu Sr. Booi a yega Aruba el a topa cu yen di hende di arte y musica manera: Padu Del Caribe, Tali Lopez Rufo Wever y biniendo di un famia cultural y aki na Aruba el a sigui den e ambiente cultural pa medio di amistadnan talentoso el a keda cu e stimacion pa nos cultura.

Sr. Booi a traha na WEB tambe caminda cu el a asumi e parti di contabilidad y na aña 60 sr. Booi a fungi como e waarnemend hoofd di Toeristen Bureau. Sr. Booi a asumi posiconnan clave na oficina di turismo y te hasta tabata hefe di instituto di cultura.

ARIBA TERENO DI ARTE Y CANTO

Pa Sr. Booi tur e amigonan artistico cu el a cera conoci cune den su tempo mester haya mucho mas elogio y admiracion. Sr. Booi a cuminsa den e mundo di arte skirbiendo canticanan na Papiamento pa De Trupialen hunto cu Frere Alexius. Mayoria canticanan di mucha nos ta corda ainda manera: "Chanita, Fiesta den Cura" y hopi mas. Den obranan teatral tambe Sr. Booi no a keda afor, e tabata skirbi obranan na Papiamento conoci manera: "Perla di Caribe, Amor di Kibaima etc".

Den deporte tambe sr. Booi tabata activo participando den weganan di Basketball hunto cu su coleganan di banco.

For di chiquito tambe sr. Booi a cuminsa pinta y tabata hasta tene exposicion di pintura di arte popular na school y tabata haya masha elogio pa su obranan cual tabata estimulo pa e por a sigui pinta. Apoyo di mayornan y famia tabata tey semper pasobra nan mes tabata encurasha Sr. Booi pa sigui padilanti cu arte.

Sr. Booi ta corda cu tempo e ta chiquito bibando na Boneiro tur anochi su mayornan tabata saca stoel pafor y cuminsa canta bao e claridad di luna. Den tur e naturaleza, tranquilidad y e cero nan di cocolishi Sr. Booi a crece, adorando semper naturaleza.

Mei mei di famianan talentoso Sr. Booi a lanta, semper cantando, tocando of pintando.

Na Aruba tambe sr. Booi a forma parti di e comision cu a traha nos Himno y Bandera.

Sr. Booi un homber di talento tabata por a toca piano y otro instrumentonan sin cu e la bay les di piano pero si a haya les di maestronan. Te despues di tempo sr. Booi a bay les pa e siña toca esaki manera un profesional.

FOLKLORE TA MUCHO MAS

Idioma ta pasion di sr. Booi cu te hasta bukinan cu traduccion na papiamento el a skirbi den varios idioma.

Segun Sr. Booi tin hopi hende sabi na Aruba cu a biba y a experiencia asina tanto cu ta parti di nos folklore, folklore no ta simplemente un baile tipico pero mucho mas.

"Sabiduria di pueblo ta parti di nos cultura y nos folklore ta forma parti di e sabiduria aki cu nos ta lagando bay perdi sin scucha esnan cu sa di pasado y historia. Nos na Aruba mester siña aprecia loke cu nos tin pa mañan nos tin balor di nos baranca stima y nos no bira bende patria."

PERSONANAN ADMIRA PA SR. BOOI

Un persona cu a duna Sr. Booi e oportunidad tambe di traha na Instituto di Cultura como hefe tabata difunto Betico Croes cu no a menosprecia Sr. Booi pasobra e ta un Boneriano.

Pa Booi e logro di un pais di tin su mes un himno y bandera ta un lucha grandi y di admira.

Aparte di a conoce nos libertador sr. Booi a yega di conoce y tin bon amistad cu otro grandinan di nos historia.

Un di esnan cu sr. Booi a yega di conoce tabata difunto Shon A. Eman cu tambe for di un principio tabata cana cu e pensamiento di separacion y independencia. Segun Booi tur e hendenan aki a hiba un lucha den nan curazon y tur a purba na nan

manera logra nan vision.

Un otro figura importante di nos historia ta difunto Juancho Irausquin cu tabata tin un vision mas riba e tereno turistico pa drecha cayanan, pone luz, traha hotel cual tabata un vision sublime pa nos isla.

Despues a bin nos libertador cu tambe tabata admira su hendenan y tabata di pensamiento cu Aruba mester por para riba su mes un pianan sin tin cu duna cuenta na ningun hende di su decisionnan.

Sr. Booi ta corda cu nos libertador tabata esun cu a bin cu e idea di traha Himno y Bandera di Aruba.

E nomber di "Instituto di Cultura" ta nomber cu entre otro sr. Booi a pidi Betico pa laga esaki na papiamento y no pone na hulandes pasobra nos mester por aprecia mas nos idioma.

Ta manera cu sr. Booi a pidi Betico pa laga e nomber na papiamento esaki a ser haci tambe pasobra Betico tabata tin e mesun stimacion pa Aruba cu Booi.

Cultura ta mas cu conserva loke cu nos tin caba, pero ta mas bien adkiri di otro nan pa siña di otro nan, pasobra cultura ta mucho mas amplio.

"Nos sistema ta traha robez pasobra ta net e cosnan malo nos ta adkiri di otro culturanan y e cosnan bon mes nos ta laga un banda."

PA NOS BIRA MAS CONCIENTE

Sr. Booi ta haya cu nos mester bira mas conciente cu nos ta laga hopi cos bay perdi di nos grandinan cu no ta papia mentira pero ta conta loke cu nan sa. Nos balornan di antes ta cambiando pasobra antes nos ta bay na pia mes supermercado y na caminda nos ta pasa cuminda nos bisiña awor, nos ta pasa bay cu auto ni sa nos no sa si nan ta na bida.

No, ta intencion pa Aruba keda manera esun di antes pero balor y normanan cu nos por scapa y hincanan den e mundo moderno di awor.

